

# PIREMÕ

## Paoro Iokanatsopatakiti

### Piremõmoni

<sup>1</sup> Nota Paoro. Kateia ãki naua, Kristo Xesosi sãkire nauikini xika. Nota, aĩtari Tximõtxiokata aiokanatsopata pitemoni Piremõmoni. Ate iteene tiretai pite. Atekata parĩkauatakari pitxaua.

<sup>2</sup> Aiokanapireta Xesosi sãkire auĩãkanimoni, paapoko apotiitakanimoni. Aiokanapireta aĩtaro Ápiamoni, Akipo pakinimoni. Iua Akipo Xesosi sotatone itxaua, ate Xesosi sotatone atokotxikana.

<sup>3</sup> Aĩri Teoso, Xesosi Kristo Apiananiri pakini sikai ikinipoko erekari. Ikamaerekaxiniretaina.

#### *Piremõ Tiraõkiuatini Pirena*

<sup>4</sup> Nitari Piremõ, Teoso nimisãkiretakasaaki, ãtipirika nisãkirauata pite ĩkapani. Nisãpiretari Teoso ereka inini, kotxi iua kamaerekatai pite.

<sup>5</sup> Ikara atoko itxa nisãkire, kotxi nikenakopiretari iteene pauikiniri Apiananiri Xesosi sãkire. Nikenakopiretari ikinimane kãkiti Teoso nakitiakori pitiretini.

<sup>6</sup> Nimisãkiretari Teoso pite ĩkapani, kotxi ninirekari pisãpiretiniri pauĩãkiti sãkirextiti ikiniõtika apanakinimoni, ininiãkara pimarotari ikini sereti erekari Teoso siãkiti Kristo nakitiakorimoni.

<sup>7</sup> Ate poxokoniuata, kotxi pite tiretana kãkiti Teoso nakitiakori. Pitiraõki iteene sikataparaxiniretaua ate. Pite aĩtari kamapoxokonitana Teoso nakitiakori ãkixinire.

#### *Paoro Amanaãkiti Sãkirextiti*

<sup>8</sup> Kristo sikaposotiiretano, ininiã nitapararitika nipositapitikari nipaniãtinii atão inakari pikamini. <sup>9</sup> Iuaritika nitapararitika na nipaniãtai atão inakari pikamini. Nõtãkikai Kristo tiraõkiã pikaminiri atão inakari. Nota Paoro kiomãtxipekano. Kateia ãki nauanãta, Kristo Xesosi sãkire nauikini xika. Notakara õtãkikai pite atão pikamini. <sup>10</sup> Nota amanaãi pinitiri Onésimo inakori piamonĩkini ĩkapani. Namarite atoko inakari iua, kotxi iua kĩpitari nisãkire uai kateia ãki nauakasaaki. Uatxa iua auikari Xesosi sãkire. <sup>11</sup> Nimarotari iuãka poparĩkari uãka itxaua. Mitxi !iparĩkauata, pitekata auakasaaki. Paiariniri. Uatxa poparĩkari itxapekua iuãka atokokana. Uatxa iparĩkauatapitikako pite ĩkapani, nota ĩkapani iparĩkauatini atokokana.

<sup>12</sup> Niokanatariko Onésimo, ikanapiriini pite-moni. Ininiã papakapariko iua. Nitiretari iua nota niĩto nitiretini atokokana. <sup>13</sup> Ninirekamari notakata uai ikaikotini, nota imoianatini ĩkapani, kotxi pite kona posotari pimoianatinino uai kateia ãki nauakasaaki, kotxi pite auini maioakari. Nota uai aua Teoso iokanapirena erekari nisãpiretini xika. <sup>14</sup> Ninirekamari Onésimo uai, txamari !ninirekari nikaminiri pite mauritakiniti. !Ninirekari nitapararitika nipaniãtinii pauiritiniri Onésimo notakata ikaikotini. Pite nirekiniãri, imoianatano.

<sup>15</sup> Akokaxiti Onésimo miteka. Mapakanani itakanapai. Atxiĩti Teoso auiritari poiãoka itakanapinii, ãtipirika pitekata iuaĩkana ikaikotini ĩkapani. <sup>16</sup> Iua pinitiri piamotakiti itxapanikaua. Uatxa apiaerekata iua. Pitari pitiretakiti

itxapekaua, kotxi iua auikari Kristo sākire. Iteene nota taretari iua. Pite apia taretariko iua, kotxi iua pinitiri itxaua. Apaka iua pitari itxaua, kotxi Apiananiri nakiti hīt̃xaua.

<sup>17</sup> Nota pimoianari nininiãua, nota papakapini atokokana pitxariko papakapiniri iua.

<sup>18</sup> Akokaxiti maerekati ikaminiã, ïtiriatiniã, pisãpiretano. Nota ïkitxitaiko. <sup>19</sup> Nota Paoro, uatxa niuakoã niökatsopataria sākiretxiti. Notakarako ïkitxitai pite. Pite imarotari pite xinire auãki inini, kotxi notara akokaxiti nisãpiretai Xesosi sākire pauikini ïkapani. Ininiã atxiïti erekape pite ïkitxitinino nota? <sup>20</sup> Ininiãkara nitari, pikaminano ninirekakiti, kotxi Apiananiri nakitiakori atxaua. Pikamapoxokonitariko nãkixinire, kotxi Kristo nakitiakori atxaua. <sup>21</sup> Niökatsopataria pite ïkapani, kotxi nimarotapitikari pikaminiri namanaãkiti. Ari, nimarotari apiata pikaminano.

<sup>22</sup> Apikomoni nitxai. Poeretari ereẽ nimakiniãtaã ïkapani. Hïte misãkiretapekari Teoso kateia nitakanapini ïkapani, ininiã nimarotari Teoso auiritano iuaïkana nikanapiriini hïtemoni.

### *Itakapiretanapini Pirena*

<sup>23</sup> Epápara inakori notakata kateia ãki aua, kotxi iua parïkauata Kristo Xesosi ïkapani. Iua xinikamanapitai hïte. <sup>24</sup> Markoma, Arisitakoma, Témasima, Arókasima pakini notakata parïkauatakani, ninoa apaka xinikamanapitai hïte.

<sup>25</sup> Aãuïte Xesosi Kristo sikari ikinipoko erekari hãkixiniremoni. Ameẽ.

**Teoso sãkire amaneri**  
**New Testament in Apurinã (BR:apu:Apurinã)**

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

**Copyright Information**

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Apurinã

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
253eaec7-f0c7-5b49-b6be-65ee5354d0ed